

## KAUPHÖLL ÍSLANDS [Hlutabréf]

OMX ÍSLAND 15  
4.296 -0,26%

Fjöldi viðskipta: 300  
Velta: 2.325 milljónir

## MESTA HÆKKUN

↑ ATL. PETROLEUM  
KAUPPING +1,22%  
+0,54%

## MESTA LÆKKUN

↓ CENTURY ALUM.  
TEYMI -7,65%  
BAKKAVÖR -3,5%  
-2,31%

HLUTABRÉF Í ÚRVALSVÍSITÖLU: Alfesca 7,05 -0,70% ... Atorka 6,16 -2,07% ... Bakkavör 27,50 -2,31% ... Eimskipafélagið 14,30 0,00% ... Exista 7,15 -0,42% ... Glitnir 15,30 -0,65% ... Icelandair Group 16,70 -0,60% ... Kaupþing 750,00 +0,54% ... Landsbankinn 22,80 -0,44% ... Marel 88,00 -0,90% ... SPRON 3,31 -0,90% ... Straumur-Burðarás 9,74 -0,41% ... Teymi 1,93 -3,50 ... Össur 91,00 -1,41%

## viðskipti

Umsjón: MARKAÐURINN nánar á visir.is

## Peningaskápurinn ...

## Byr á leið inn í Glitni

Það fór eins og fullrytt var í þessum dálki í gær, að Björgvin G. Sigurðsson bankamálaráðgjafi myndi ekki reynast mjög sannspár um að frekari samruna væri ekki að vænta á bankamarkaði. Lengi hefur legið í loftinu að Glitnir og sparisjóðurinn Byr gætu runnið saman, enda eigendur beggja félaga tengdir ýmsum böndum. Visir sagði frá því í gær, að samruni sé nú þegar ákveðinn en beðið sé niðurstöðu stofnfjáreigenda Byrs síðar í mánuðinum um að breyta sparisjóðnum í hlutfélag. Þá sagði Visir einnig frá því að þreifingar væru í gangi milli Icebank og Saga Capital annars vegar og Icebank og VBS fjárfestingarbanka hins vegar um hugsanlega sameiningu, en forsvarsmenn þeirra félaga vildu ekkert staðfesta í þeim efnum.



## Kaupþing og sparisjóðirnir

Fleiri samrunar kunna að vera í farvatninu, segja aðilar á markaði, enda fjölmargar fjármálastofnir í verulegum kröggum vegna lánakrisunnar. Þannig er talið fullvíst að fleiri sparisjóðir muni renna inn í Kaupþing á næstu mánuðum og er helst horft til sparisjóðanna í Keflavík, Mýrasýslu og Svarfdæla í þeim efnum. Margir sparisjóðir eru nátengdir eignarhaldsfélaginu Exista sem stórir hluthafar, en það er sem kunnugt stærsti eigandi hlutfjár í Kaupþingi. Exista er að stórum hluta í eigu bræðranna Agústs og Lýðs Guðmundssonar og hefur svo sannarlega ekki farið varhluta af fávörðunum á hlutabréfamörkuðum undanfarið misseri.



## Olíuhækkanir sliga atvinnulífið

Viðskiptakjör þjóðarinnar hafa versnað verulega vegna aukinna útgjalda í olíu segir í tilkynningu frá Samtökum Atvinnulífsins (SA). SA bendir á að útgjöld vegna innfluttra olíuvara stefna í 6 prósent af landsframleiðslu en hefur verið á bilinu 2-2,5 prósent þar til á allra síðustu árum. „Á síðustu þremur árum hefur hlutfallið numið um þremur prósentum en í ár stefnir það í 5,5 prósent og á næsta ári gæti það farið yfir 6 prósent. Viðskiptakjör þjóðarinnar hafa þannig versnað verulega af þessum sökum og þjóðartekjur falla.“ - bpa

## „Tökum hlutverk okkar alvarlega“

Bankastjóri Seðlabanka Evrópu vonast til að hærri vextir dragi verðbólgu niður að viðmiðum.

„Verðbólga er íbúum evrusvæðisins áhyggjuefni. Hlutverk okkar er að tryggja þeim öllum, 320 milljónum manna, stöðugleika,“ sagði Jean-Claude Trichet, bankastjóri evrópska seðlabankans, í gær. Hann lagði ríka áherslu á að bankinn yrði að viðhalda trúverðugleika.

Evrópski seðlabankinn hækkaði stýrivexti á evrusvæðinu um 25 punkta í gær og fara þeir við það í 4,25 prósent. Bankinn hafði haldið vöxtunum óbreyttum í 4,0 prósentum í rétt rúmt ár.

Verðbólga mælist nú fjögur prósent á evrusvæðinu og hefur hún ekki aukist jafnhratt í sextán ár. Seðlabankar víða um heim hafa gripið til aðgerða vegna þessa.

Seðlabankar Danmerkur og Svíþjóðar hækkuðu stýrivexti um 25 punkta sömuleiðis í gær. Í rökstuddningi sænsku bankastjórnarinnar kemur fram að aukna verðbólgu megi rekja til hrávörðunarsvæðisins, hærri verðbólguvæntinga og innlendrar þenslu. Bankinn spár áframhaldiandi vaxtahækkunum á komandi ári, og að vextir bankans standi í 4,8 prósentum í lok árs. Vextir þar standa í 4,5 prósentum og hafa ekki verið hærri í aldarfjórðung.



BANKASTJÓRINN Jean-Claude Trichet, bankastjóri evrópska seðlabankans, segir mikilvægt að bankinn viðhaldi stöðugleika og nái verðbólgu niður.

FRÉTTABLAÐIÐ/AFP

Til sömu bragða greip seðlabanki Indónesíu. Þetta er jafnframt þriðji mánuðurinn í röð sem hann hækkar vexti. Spáð er að aðrir seðlabankar muni í ýmist hækka vexti sína á næstunni eða halda þeir óbreyttum.

Bankastjóri Seðlabanka Evrópu sagði í gær verðbólguþrýsting áhyggjuefni og hafi stjórn bankans verið sammála um aðgerðir til að draga úr verðbólgu nú. Batt hann vonir við að hún gæti farið að, jafnvel undir, tveggja prósentu verðbólguþrýsting bankans. „Við tökum hlutverk okkar alvarlega,“ sagði seðlabankastjóriinn. - jab/bpa

## Bankastjórnin alltaf sammála

„Frá því að ég kom í bankann hefur aldrei verið ágreiningur innan bankastjórnarinnar,“ sagði Davíð Oddsson þegar hann færði rök fyrir stýrivaxtaákvörðun Seðlabankans í gær.

Rætt hefur verið um gagnsæi í ákvörðunum bankans, en sums staðar annars staðar eru til að mynda fundargerðir birtar. Gylfi Magnússon dósent hefur til að mynda nefnt að birta mætti fundargerðir bankastjórnarinnar svo sjá megi rök hvers og eins fyrir niðurstöðunni. Fyrirmynd að slíku er til að mynda fundargerð

Skuggabankastjórnar Markaðarins sem birtist í sömu viku og tilkynnt er um stýrivexti. Þar má lesa um sjónarmið hvers og eins.

Þegar Davíð var spurður nánar út í samstöðu bankastjórnarinnar, staðfesti hann að þar væri átt við stýrivaxtaákvörðunir. Hann sagði að menn gætu komið með ólíkar hugmyndir að borðinu, en ágreiningur væri ekki um niðurstöðuna.

Davíð sagði jafnframt að bankastjórnin væri ekki bundin af eigin spám bankans um stýrivexti, en hún stýddist við þær. - ikh

## Óttast frekari vaxtahækkun þrátt fyrir samdrátt

Seðlabankinn hélt stýrivöxtum óbreyttum í 15,5 prósentum í gær og býst ekki við lækkun fyrr en um mitt næsta ár. Hann segir að það gæti orðið óhjákvæmilegt að hækka vextina meira, þrátt fyrir samdrátt. Eðlilegt að menn vilji sleppa billega, segir Seðlabankastjóri um þá sem vildu vaxtahækkun.

„Það er ekki hægt að forðast stundarvandráði í augnablikinu með því að kasta öðrum markmiðum á glæ,“ sagði Davíð Oddsson seðlabankastjóri við ákvörðun stýrivaxta í gær.

Þá tilkynnti bankinn að vextir yrðu óbreyttir um sinn, 15,5 prósent. Samkvæmt grunnspá bankans eru horfur á að verðbólga verði töluverð fram á mitt næsta ár. Síðan hjaðni hún hratt. Davíð sagði að minnkandi umsvif í þjóðarbúskapnum auðvelduðu Seðlabankanum að koma böndum á verðbólgu. „En samdráttur mun á hinn bóginn verða íþyngjandi fyrir marga, ekki síst þá sem skuldsettastir eru.“ Bankinn hvikaði hins vegar ekki frá markmiði sínu. „Brýnasta verkefnið er enn sem fyrr að ná tökum á verðbólgu og koma í veg fyrir að aukning hennar að undanförunni valdi víxláhrifum launa, verðlags og gengis.“

Hann bætti því við að kaupmáttur myndi minnka, en samdráttarskeið stæði skemur, yrði tekið á málum af festu.

Í Peningamálum Seðlabankans segir að veruleg hætta sé á að gengisþróun verði óhagstæðari en gert sé ráð fyrir í grunnspá. Einnig kunnir laun að hækka meira en ráð sé fyrir gert. „Verði sú raunin getur verðbólgan orðið meiri framan af og langdregnari en í grunnspánni og óhjákvæmilegt að hækka stýrivexti enn frekar, þrátt fyrir samdrátt í þjóðarbúskapnum.“ Mikíð hefur verið rætt um það undanfarið að jafnvel ætti að lækka vextina. Þórnur Friðjónsson, forstjóri Kauphallarinnar og fyrrverandi yfirmaður Þjóðhagsstofnunar, lagði meðal annars til að þeir yrðu lækkaðir um hálf prósentustig.

Davíð sagði að það væri mannlegt að leita hinna fljótu og ódýru lausna. „Það er eðlilegt að menn vilji sleppa eins billega og þeir geta og ég er ekki að gera lítið úr því,“ sagði Davíð. Það væri erfitt fyrir atvinnulífið að fjármagna sig við núverandi vaxtastöðu. Hins vegar hefði stór hluti atvinnulífsins skuldsett sig allt of mikíð. „Og ekki gætt þess þegar vel áraði að styrkja sitt eigið fé og setja peninga til hliðar, heldur þvert á móti gengið á sitt eigið fé.“



FRÁ STÝRIVAXTAFUNDI SEÐLABANKANS Arnór Sighvatsson aðalhogfræðingur með Davíð Oddsson bankastjóra í baksýn. Bankinn segir að brýnasta markmiðið sé að ná tökum á verðbólgunni. Því markmiði megi ekki kasta á glæ til að forðast stundarvandráði. FRÉTTABLAÐIÐ/VALLI

Þá sagði Davíð að viðskiptabankarnir ættu að leita leiða til að minnka þörf fyrir erlent lánsfé og „laga umfang sitt að gerbreyttum aðstæðum“. Í því sambandi sagði Davíð að þeir gætu selt eignir og þeir væru byrjaðir á því. ingimar@markadurinn.is

## Össur einn í plús

Hagnaður allra Úrvalsvísitölufélaganna nema stóðtækjafyrirtækisins Össurar mun dragast saman á öðrum ársfjórðungi. Þetta kemur fram í afkomuspá greiningardeildar Kaupþings sem birt var í gær.

Reiknað er með að Landsbankinn taki mest í hús á fjórðungnum, eða 11,6 milljarða króna. Glitnir fylgir fast á eftir með 8,6 milljarða í hagnað. Meðalsamdráttur bankanna nemur fjórtán prósentum. Deildin spár ekki fyrir um afkomu Kaupþings.

Að öðru leyti spár greiningardeildin því að afkoman dragist verulega saman á milli ára hjá öðrum fyrirtækjum.

Rekstrarfélögin Alfesca og Marel fylgja á eftir bönkunum þrátt fyrir að hagnaður þeirra dragist saman á milli ára. Félög tengd þeim Bakkabræðrum tapa mestu, gangi spáin eftir. Mesta tapið verður í bókum Existu, eða 13 milljarðar króna, á meðan Bakkavör tapar fjórum milljörðum. Exista er jafnframt stærsti hluthafi Kaupþings. Landsbankinn og Össur skila fyrstu uppgjörunum í hús 29. júlí næstkomandi og fylgja hin félögin í kjölfarið. - jab

AFKOMUSPÁ KAUPÞINGS		
Fyrirtæki	Hagnaður/-tap*	Breyting
Landsbanki Íslands	11.629	-5,1%
Glitnir	8.599	-22,9%
Marel	761	-16,2%
Alfesca	737	-82,9%
Færeyjabanki	548	-17,2%
Össur	452	+286,7%
Straumur	368	-96,7%
Icelandair	93	-145,4%
Teymi	-545	-147,0%
Atorka	-2.000	-169,4%
Eimskip	-2.370	-96,9%
Bakkavör	-4.000	-265,6%
Exista	-13.000	-148,0%

\* í milljónum króna. Allar upphæðir umreiknaðar í íslenskar krónur á gengi gærdagsins.

## Óttar Bergmann

sérfræðingur í lyflækningum og meltingarsjúkdómum opnar hinn 9. júlí n.k. stofu í Læknasetrinu, Þönglabakka 6, 109 Reykjavík.

Tímápanantir í síma 535 7700.